



Broj: 01-23-18506-6/22 KM
Sarajevo, 08.06.2022. god.

SKUPŠTINA KANTONA SARAJEVO SARAJEVO

PREDMET: Odgovor na „Zastupničko pitanje“

U prilogu dopisa dostavljamo Vam odgovor na postavljeno zastupničko pitanje na 52. Radnoj sjednici Skupštine Kantona Sarajevo održanoj dana 10.05.2022. godine, a od strane zastupnica Neire Dizdarević.

Pitanje:

"Ponovno nakon gotovo godinu dana upućujem inicijativu u vezi osiguranja redovnog obavljanja gradskog prijevoza na relaciji Dom Armije – Bare. U nastavku prenosim tekst predhodne inicijative.

Na zahtjev stanovnika naselje Bare – Šip, molim resorno ministarstvo da reaguje prema KJKP GRAS, u cilju osiguravanja redovnog obavljanja javnog gradskog prijevoza na relaciji Dom Armije – Bare. U posljednjih nekoliko sedmica sve je češći slučaj izostanka vožnji koje bi po rasporedu trebale saobraćati. Vjerujem da ovo nije pojedinačni slučaj i da se slični propusti dešavaju i u drugim naseljima, ali naša obaveza i odgovornost je sugrađanima obezbijediti uslugu koju zaslužuju."

Odgovor :

Na osnovu pokazatelja o angažovanosti vozila KJKP "GRAS" d.o.o. Sarajevo za područje Kantona Sarajevo kao i većeg broja upućenih akata od strane građana, škola i lokalnih zajednica, o ne održavanju registrovanih redova vožnje, između ostalog i za liniju broj 16 Dom Armije – Bare, 21.09.2021. godine zatraženo je od prijevoznika KJKP "GRAS" d.o.o. Sarajevo da se očituje u pogledu održavanja registrovanih redova vožnje.

Vlada Kantona Sarajevo je donijela zaključak broj 02-04-34485-6/21 od 17.09. 2021. godine o ugroženosti obavljanja komunalne djelatnosti javnog linijskog prijevoza putnika na području Kantona Sarajevo, to jest da je došlo do prekida obavljanja većeg broja linija, te je naložila Ministarstvu saobraćaja da postupi u skladu sa članom 44. "Pravilnik o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo".

Usljed nedostatka vozniha jedinica prijevoznik KJKP "GRAS" d.o.o. Sarajevo je aktom broj 11675 od 30.09.2021. godine obavijestio Ministarstvo da trenutno ne može održavati 11 autobuskih linija,

te je za te redove vožnje angažovan drugi prijevoznik „Centrotrans“ d.d. Sarajeva, a za liniju broj 16 Dom Armije – Bare je potvrdio da će preraspodjelom vozila iste održavati.

Kako je ponovno zaprimljen veći broj primjedbi na održavanje pojedinih registrovanih redova vožnje, Ministarstvo je svojim aktom broj: 04-23-5561-1/21 od 04.02.2022. godine uputilo zahtjev Kantonalnoj upravi za inspeksijske poslove Kantona Sarajevo da provede inspeksijski nadzor u vezi održavanja registrovanog reda vožnje na liniji broj 16 Dom Armije – Bare.

Dana 28.03.2022. godine Ministarstvu je dostavljen zapisnik kantonalnog inspektora za saobraćaj - Kantonalne uprave za inspeksijske poslove Kantona Sarajevo o inspeksijskoj kontroli broj: UP-1-14-11/11-23.1-02971/22 od 21.02.2022. godine kojim je konstatovano da prijevoznik KJKP "Gras" d.o.o. Sarajevo registrovani red vožnje kantonalne autobuske linije broj 16 Dom Armije – Bare u posmatranom periodu održava neuredno i ne redovno.

Postupajući u smislu člana 8. Zakona o upravnom postupku (Službene novine Federacije BiH br. 2/98 i 48/99), Ministarstvo je uputilo zahtjev prijevozniku KJKP „GRAS“ d.o.o. Sarajevo da u roku od 8 dana dostavi pisano očitovanje na činjenice u predmetu pokretanja postupka za brisanja iz registra redova vožnje kantonalne autobuske linije broj 16 Dom Armije – Bare.

U ostavljenom roku prijevoznik KJKP „GRAS“ d.o.o. Sarajevo dostavio je ovom organu pisano izjašnjenje dana 07.04.2022. godine, u kojem ističe da su problemi nastali zbog blokade računa KJKP „GRAS“ d.o.o. Sarajevo, a samim tim i nabavke goriva, rezervnih dijelova i vozila osnovni razlozi ne održavanja prijevoza na liniji 16 Dom Armije – Bare. Takođe u izjašnjenju navodi da su u proceduri postupci javnih nabavki autobusa što bi riješilo problem nedostatka vozila i uspostavu redovnog održavanja registrovanog reda vožnje.

Iz dostavljenog izjašnjenja Ministarstvo nije našao opravdane razloge za neodržavanje predmetne linije, cijeneći da je javni prijevoz putnika na području Kantona komunalna djelatnost od javnog interesa i ista se mora obezbijediti u kontinuitetu za građane Kantona.

Imajući u vidu da je Zapisnikom o inspeksijskoj kontroli broj: UP-1-14-11/11-23.1-02971/22 od 21.02.2022. godine utvrđeno da se registrovani red vožnje kantonalne autobuske linije broj 16 Dom Armije – Bare vrši neuredno i ne redovno, red vožnje za liniju broj 16 Dom Armije – Bare brisan je iz Registra redova vožnje kantonalnih autobusnih liniju.

U skladu sa članom 20. stav (1) Zakona o javnom prijevozu putnika u Kantonu Sarajevo („Službene novine Kantona Sarajevo“ broj: 1/22), Ministarstvo saobraćaja Kantona Sarajevo objavilo je Javni poziv za izbor operatera na 15 linija javnog linijskog prijevoza putnika u Kantonu Sarajevo među kojima je i linija broj 16 Dom Armije – Bare.

S poštovanjem,

Dostaviti:

- ✓ Skupština Kantona Sarajevo
- Vlada Kantona Sarajevo
- evidencija
- arhiva

Predmet obradio: Muamer Kukan

